

賜姓曰波陀。今秦字之訓也。次雲師王、次武良王、普洞王、男秦公酒、雄略天皇御世、稱普洞王時、秦氏總被劫略、今見在者十不存一、請遣勅使檢括招集、天皇遣使、小子部雷、率大隅阿多隼人等、搜括鳩集、得秦氏九十二部一萬八千六百七十人、遂賜於酒、爰率秦氏、養蠶織絹、盛饌詣闕貢進、如丘如山、積畜朝廷、天皇嘉之、特降寵命、賜號曰禹都万佐、是盈積有益之義、役諸秦氏、構入丈大藏於宮側、納其貢物、故名其地曰長谷朝倉宮、是時始置大藏官員、以酒爲長官、秦氏等一祖子孫、或就居住、或依行事、別爲數腹、天平廿年、在京畿者、咸改賜伊美吉姓也。

〔續日本紀三十八〕延曆三年十一月戊午、武藏介從五位上建部朝臣人上等言、臣等始祖息速別皇子、

略○中四世孫須珍都計王、由地錫阿保君之姓、其胤子意保賀斯武藝超倫、足示後代、是以長谷旦倉朝廷○雄改賜健部君。

〔新撰姓氏錄左京皇別〕上毛野朝臣

下毛野朝臣同祖、豐城入彥命五世孫、多奇波世君之後也、大泊瀨幼武天皇略雄御世、努賀君男百尊爲阿女產、向賀家、犯夜而歸、於應神天皇御陵邊逢騎馬人、相共語話、換馬而別、明日看所、換馬是土馬也、因負姓陵邊君、百尊男德尊、孫斯羅、謚皇極、御世、賜河內山下田、以解文書爲田邊史、寶字稱德孝謙、皇帝天平勝寶二年、改賜上毛野公、今上略、弘仁元年、改賜朝臣姓、續日本紀合。

〔新撰姓氏錄左京諸蕃〕調連

百濟國努理使主之後也、應神天皇御世歸化、孫阿久太男彌和、次賀夜、次麻利彌和、顯宗天皇御世、蠶織獻、絁絹之樣、仍賜調首姓。

〔新撰姓氏錄右京皇別〕垂水公

豐城入彥命四世孫、賀表○表恐、乃真稚命之後也、六世孫阿利真公、謚孝元○元恐、天皇御世、天下旱魃、河井涸絕、于時阿利真公、造作高樋、以垂水岡基之水、合通宮內、供奉御膳、天皇美其功、便賜垂水公。